

Ministarstvo rada SAD-a

Nalazi o najgorim oblicima dječjeg rada za 2022. godinu

Bosna i Hercegovina

Bosna i Hercegovina je 2022. postigla umjeren napredak u naporima da eliminiše najgore oblike dječjeg rada. Vijeće ministara je usvojilo Akcioni plan Bosne i Hercegovine za društvenu inkluziju Roma i Romkinja za period 2021-2025, čiji je cilj jačanje pristupa obrazovanju za romsku djecu, a Udarna grupa za borbu protiv trgovine ljudima je proširila svoje članstvo na predstavnike dodatnih agencija. Kantonalni sud u Tuzli takođe je šest počinilaca osudio na kaznu zatvora od ukupno 74 godine, što predstavlja prvu ovakvu osudu u istoriji pravosuđa u Bosni i Hercegovini. Međutim, djeca u Bosni i Hercegovini su izložena najgorim oblicima dječjeg rada, uključujući prisilno prosjačenje. Socijalni programi za pomoć djeci prisiljenoj na prosjačenje nemaju adekvatne resurse, a predstavnici Ministarstava za rad nisu uključeni u rad državne Udarne grupe za borbu protiv trgovine ljudima, što ograničava napore koordinacije. Osim toga, većina dječjeg rada se odvija u neformalnom sektoru, a zakoni o minimalnoj radnoj dobi nisu u skladu sa međunarodnim standardima zato što se ne primjenjuju na djecu koja su samozaposlena ili rade van formalnih odnosa zapošljavanja.

Mjere predložene vlastima za iskorjenjivanje dječjeg rada		
Oblast	Predložena mјera	Predložena godina(e)
Pravni okvir	Obezbijediti da se minimalna radna dob primjenjuje na svu djecu, uključujući i djecu koja su samozaposlena ili rade van formalnih odnosa zapošljavanja.	2015–2022.
	Kriminalizirati prisilni rad, dužničko ropstvo i ropstvo zasebno od trgovine ljudima u Federaciji Bosne i Hercegovine i u Brčko Distriktu.	2018–2022.
	Osigurati da Bosna i Hercegovina zabrani iskorištavanje djece u nedozvoljenim radnjama, uključujući iskorištavanje, vrbovanje i nuđenje djeteta za proizvodnju i trgovinu droge.	2015–2022.
	Osigurati da zakonom bude zabranjena regrutacija djece ispod 18 godina starosti u nedržavne oružane skupine.	2016–2022.
	Osigurati da se navedu sva opasna zanimanja i radnje zabranjene za djecu, i da se obuhvate sektori poznati po slučajevima dječjeg rada, uključujući ulično prosjačenje.	2016–2022.
	Osigurati da se zakonodavstvom Bosne i Hercegovine zabranjuje iskorištavanje djece za prostituciju, proizvodnju pornografije i pornografske izvedbe.	2019–2022.

Mjere predložene vlastima za iskorjenjivanje dječjeg rada		
Oblast	Predložena mјера	Predložena godina(e)
Izvršenje	Sakupiti i objaviti informacije o naporima u sprovođenju zakona u oblasti radnog i krivičnog prava, uključujući i finansiranje inspektorata rada.	2015–2022.
	Stvoriti službeni mehanizam za upućivanje djece pronađene tokom inspekcija rada službenicima nadležnih socijalnih službi.	2018–2022.
	Osigurati da se djeca ne sankcionišu zbog toga što su žrtve najtežih oblika dječjeg rada.	2017–2022.
	Osigurati da policijski i sudski službenici, kao i socijalni radnici prođu obuku iz indikatora trgovine djecom, uključujući trgovinu migrantskom djecom, i da su osposobljeni da ispravno prepoznaju žrtve, vrstu krivičnog djela, koriste mehanizme upućivanja žrtava nadležnim službama, i krivično gone počinioce.	2014–2022.
	Osigurati da inspektori rada prođu obuku iz svih sektora gdje se zna da je bilo slučajeva dječjeg rada, uključujući opasan rad u sektoru poljoprivrede.	2021–2022.
Koordinacija	Osigurati da sva relevantna ministarstva budu zastupljena u Udarnoj grupi za borbu protiv trgovine ljudima.	2017–2022.
Vladine politike	Osigurati da vlasti objavljaju informacije o radnjama obavljenim u skladu sa politikama za rješavanje problema dječjeg rada, uključujući Protokol o saradnji i postupanju u slučajevima protivpravnog ponašanja na štetu djece u Kantonu Sarajevo.	2021–2022.
Socijalni programi	Osigurati adekvatno finansiranje inicijativa za inkluzivno obrazovanje da bi se mogle baviti aktivnostima čiji je cilj poboljšavanje akademskih rezultata ranjive djece.	2009–2022.
	Osigurati da sva djeca imaju pristup obrazovanju ukidanjem troškova školovanja, pružanjem potrebnih uslova djeci s invaliditetom i sprečavanjem diskriminacije đaka pripadnika manjina.	2013–2022.
	Osigurati da sva djeca budu zavedena u matične knjige rođenih i da imaju identifikacijske dokumente potrebne za upis u školu.	2011–2022.
Bošnjačkoj djeci u RS omogućiti pristup obrazovanju na bosanskom jeziku i ukinuti praksu "dvije škole pod jednim krovom" da bi se u FBiH eliminisala diskriminacija na etničkoj osnovi.	2018–2022.	
Programima kao što su dnevni centri i centri za socijalnu zaštitu dodijeliti odgovarajuće finansijske i tehničke resurse kako bi mogli pružiti pomoć ugroženim porodicama i žrtvama dječjeg rada.	2014–2022.	

Mjere predložene vlastima za iskorjenjivanje dječjeg rada

Oblast	Predložena mjera	Predložena godina(e)
	Obezbijediti dovoljno resursa za pružanje socijalnih usluga i obrazovanje potencijalnim i stvarnim žrtvama domaće i međunarodne trgovine ljudima, uključujući i maloljetnike bez pratnje.	2014–2022.
	Uspostaviti programe podrške za djecu ulice koja žive van Sarajeva.	2019–2022.